

Confirma:

Minister Angel Bermudez ta e candidato pa siguiente gobernador e aña aki ainda

ORANJESTAD* (AAN): For di fuentenan di gobierno tin informacion confirma cu minister Angel Bermudez ta bira e proximo gobernador di pais Aruba. E lo bira gobernador den algun luna ainda pero esaki lo sosode ainda e aña aki.

E intencion ta pa e minister di finanzas Angel Bermudez entrega e presupuesto 2017 prome cu e bandona su funcion como minister y asumi esun di Gobernador di pais Aruba. E proceso ta uno caminda ainda Hulanda mester pasa esaki den consejo di reino y asina hunto tin consensus entre gobierno di Aruba y Hulanda riba e decision aki. Despues cu minister Angel Bermudez bandona e funcion aki no ta conoci ainda kende ta bira e siguiente minister di finanzas. Nos fuente ta bisa cu kizas e gabinete lo keda cu ocho

minister y no ta pone un extra minister bek pa asumi e funcion. Esaki no ta sigur ainda.

Ta wordo bisa cu e ora ey minister de Meza lo tuma bek e trabaonan di finanzas. Minister Angel Bermudez no ta un Politico y no ta bay eleccion. El a bin duna un sosten na gobierno di Aruba ora cu ex minister Juan David Yrausquin e tira serbete den ring na 2014.

Ta gobierno mes a pidi Angel Bermudez pa asumi e rol como mandatario. Angel Bermudez



tin un trayectoria respeta den reino mes cu su conocimiento fiscal y a traha na Curacao, Bonaire etc y awor aki bek na Aruba. Si e asumi su responsabilidad como gobernador na September nifica cu gobierno mester bay haci un peticion na gobernador actual Fredis Refunjol pa keda algun luna mas den su funcion. Esaki mester bay pasa pronto.

Un pabien na minister Angel Bermudez cu e escogencia como candidato pa Gobernador. Awor aki e tin cu traha urgente pa termina e presupuesto 2017 pa keda cla pa September y asina dreठा su funcion nobo. Den consejo di minister di Aruba e ta e candidato cu a keda eligi y el a acepta esaki tambe despues di consulta cu su famia.